

仲景全書

五

共訂十本

集註傷寒論卷第六

仲景全書

漢長沙太守張仲景著

晉太醫令王叔和撰次

宋聊攝人成無已註解

宋祠部郎中林億校正

明

虞山人趙開美校句
沈林全校

錢塘

張卿子叅

辨太陰脉證并治第十

太陰之為病腹滿而吐食不下自利益甚時腹自痛若下
之必胸下結鞭

太陰為病陽邪傳裏也太陰之脉布胃中邪氣壅而為
腹滿上不得降者嘔吐而食不下下不得升者自利益
甚時腹自痛陰寒在內而為腹痛者則為常痛此陽邪
于裏雖痛而亦不常痛但時時腹自痛也若下之則陰

宋板肘上
有病字
宋板註合
三法方三
首

成本不得
上之
升

邪留於胸下爲結鞭。經曰：病發於陰而反下之，因作痞。
王三陽云：此風寒中於太陰經，非陽邪傳裏也。若陽邪
傳裏，正當下之，何結鞭之有？況痞字與鞭字亦有分別。
邪之初起，必先入經，而後入腑臟。此邪中太陰經，其痞
猶在上膈，非中臟腑之陰證也。當用辛甘之藥溫散之，
則邪散去而自和矣。今誤下之，則邪氣乘虛入胸膈間，
作鞭耳。

黃仲理云：宜理中湯。陰經少有用桂枝者，如此證若肺
浮，卽用桂枝湯微汗之。若惡寒甚不已者，非理中四逆
不可。

太陰中風，四肢煩疼，陽微陰澁而長者，爲欲愈。

成本向陽
作向王

一

宋板桂枝湯方一桂枝三兩去皮芍藥三兩甘草二兩炙生薑三兩切大棗十二枚擘右五味以水七升煮取三升去滓溫服

太陰脾也主營四末太陰中風四肢煩疼者風淫末疾也表邪少則微裏向和則澁而長長者陽也陰病見陽脉則生以陰得陽則解故云欲愈

太陰病欲解時從亥至丑上

脾爲陰土王於丑亥子向陽故云解時

太陰病脉浮者可發汗宜桂枝湯

經曰浮爲在表沉爲在裏太陰病脉浮者邪在經也故當汗散之

王宇泰云在太陽則脉浮無汗宜麻黃湯此脉浮當亦無汗而不言者謂陰不得有汗不必言也不用麻黃而用桂枝者以陰病不當更發其陽也須識無汗亦有用

一升須臾
啜熱稀粥
二升以助
藥力
溫覆
取汗

桂枝證

自利不渴者屬太陰。以其藏有寒故也。當溫之。宜服四逆輩。

自利而渴者屬少陰。為寒在下焦。自利不渴者屬太陰。為寒在中焦。與四逆等湯以溫其臟。

張兼善云。經言輩字。謂藥性同類。惟輕重優劣不同耳。四逆湯甘辛相合。乃大熱之劑。苟輕用之。恐有過度之失。所以仲景不為定擬也。莫若以理中循循而用之。至為穩當。

傷寒脈浮而緩。手足自溫者。繫在太陰。太陰當發身黃。若小便自利者。不能發黃。至七八日。雖暴煩下利。日十餘行。

必自止。以脾家實腐穢當去故也。

太陰病至七八日大便鞭者，爲太陰入府，傳於陽明也。今至七八日暴煩下利十餘行者，脾家實腐穢去也。下利煩燥者死，此以脾氣和，逐邪下泄，故雖暴煩下利日十餘行而利必自止。

本太陽病醫反下之，因而腹滿時痛者，屬太陰也。桂枝加芍藥湯主之。

表邪未罷，醫下之，邪因乘虛傳於太陰，裏氣不和，故腹滿時痛。與桂枝湯以解表，加芍藥以和裏。

桂枝加芍藥湯方

第八十三

於桂枝湯方內更加芍藥三兩，隨前共六兩，餘依桂枝

成木
而作
爾

二

宋板桂枝
加芍藥湯
方桂枝三

兩去皮切

藥六兩乾

姜二兩

大棗十二

枚擘生薑

二兩切石

五味以水

七升煮取

三升上滓

溫分三服

水云桂枝

湯今加芍

藥

成本下大

實作除火

實

宋板大黃

一兩作大

黃二兩

湯法

大實痛者桂枝加大黃湯主之。

大實大滿自可除下之故加大黃以下大實

桂枝加大黃湯方

第八十四

桂枝

三兩去皮

大黃

一兩

芍藥

六兩

生薑

三兩切

甘草

二兩炙

大棗

十二枚擘

右六味以水七升煮取三升去滓溫服一升日三服。

婁氏云用四逆輩固所當然復用桂枝大黃夫大黃大

寒何為用于陰經又兼桂枝寒熱相雜何也曰自利而

渴者屬少陰為寒在下焦自利不渴者屬太陰為寒在

中焦以四逆等湯溫其藏此本經當用之藥也其太陽

宋板註下
利者生煎
芍藥二沸

宋板註合
二十二法
首方一十九

病反下之表邪未解乘虛傳於太陰因而腹滿時痛大實痛者桂枝加芍藥大黃爲宜

趙嗣真云太陰腹滿證有三有次第傳經之邪有直入本經之邪有下後內陷之邪不可不辨

太陰爲病脉弱其人續自便利設當行大黃芍藥者宜減之以其人胃氣弱易動故也

腹滿痛者太陰病也脉弱其人續自便利則邪雖在裏未成大實欲與大黃芍藥攻滿痛者宜少與之以胃氣尙弱易爲動利也

辨少陰病脉證并治 第十一

少陰之爲病脉微細但欲寐也

少陰爲病、脉微細、爲邪氣傳裏深也、衛氣行於陽則寤、行於陰則寐、邪傳少陰、則氣行於陰而不行於陽、故但欲寐。

少陰病、欲吐不吐、心煩、但欲寐、五六日自利而渴者、屬少陰也、虛故引水自救、若小便色白者、少陰病形悉具、小便白者、以下焦虛、有寒不能制水、故令色白也。

欲吐不吐、心煩者、表邪傳裏也、若腹滿痛則屬太陰、此但欲寐、則知屬少陰、五六日邪傳少陰之時、自利不渴者、寒在中焦、屬太陰、此自利而渴、爲寒在下焦、屬少陰、腎虛水燥、渴欲引水自救、下焦虛寒不能制水、小便色白也、經曰、下利欲飲水者、以有熱故也、此下利雖渴、然

成本少陰
傷寒作少
陰寒

以小便色白明非裏熱不可不察

王三陽云此寒中陰經而傳入陰臟者雖引水自救浮陽在上也若有大渴方可論陽邪傳陰熱證

病人脉陰陽俱緊反汗出者亡陽也此屬少陰法當咽痛而復吐利

脉陰陽俱緊爲少陰傷寒法當無汗反汗出者陽虛不固也故云亡陽以無陽陰獨是屬少陰內經曰邪客少陰之絡令人嗌痛不可內食少陰寒甚是當咽痛而復吐利

少陰病欬而下利譌語者被火氣劫故也小便必難以強責少陰汗也

欬而下利。裏寒而亡津液也。反以火劫。強責少陰汗者。津液內竭。加火氣煩之。故讖語小便難也。

少陰病。脉細沉數。病爲在裏。不可發汗。

少陰病。始得之。反發熱。脉沉者。爲邪在經。可與麻黃附子細辛湯發汗。此少陰病。脉細沉數。爲病在裏。故不可發汗。

王三陽云。此無發熱證。故不可汗。

少陰病。脉微不可發汗。亡陽故也。陽已虛。尺脉弱。濇者。復不可下之。

脉微爲亡陽。表虛不可發汗。脉弱濇爲亡陽。裏虛復不可下。

王三陽云。脉弱瀉瀉者。陰也。瀉爲血少。乃亡陰也。故不可下。陽字誤。

少陰病。脉緊。至七八日。自下利。脉暴微。手足反溫。脉緊反去者。爲欲解也。雖煩。下利必自愈。

少陰病。脉緊者。寒甚也。至七八日。傳經盡。欲解之時。自下利。脉暴微者。寒氣得泄也。若陰寒勝。正陽虛而泄者。則手足厥。而脉緊不去。今手足反溫。脉緊反去。知陽氣復。寒氣去。故爲欲解。下利煩躁者。逆此。正勝邪微。雖煩。下利必自止。

少陰病。下利。若利自止。惡寒而踰卧。手足溫者可治。

少陰病。下利。惡寒踰卧。寒極而陰勝也。利自止。手足溫。

者裏和陽氣得復故爲可治。

少陰病惡寒而踈時自煩欲去衣被者可治。

惡寒而踈陰寒甚也時時自煩欲去衣被爲陽氣得復故云可治。

少陰中風脉陽微陰浮者爲欲愈。

少陰中風陽脉當浮而陽脉微者表邪緩也陰脉當沉而陰脉浮者裏氣和也陽中有陰陰中有陽陰陽調和故爲欲愈。

少陰病欲解時從子至寅上。

陽生於子子爲一陽丑爲二陽寅爲三陽少陰解於此者陰得陽則解也。

宋校註
一作兄
成水無不
至者之者
字

少陰病吐利手足不逆冷反發熱者不死脉不至者灸少陰七壯

經曰少陰病吐利躁煩四逆者死吐利手足不厥冷者則陽氣不衰雖反發熱不死脉不至者吐利暴虛也灸少陰七壯以通其脉

少陰病八九日一身手足盡熱者以熱在膀胱必便血也膀胱太陽也少陰太陽爲表裏少陰病至八九日寒邪變熱復傳太陽太陽爲諸陽主氣熱在太陽故一身手足盡熱太陽經多血少氣爲熱所乘則血散下行必便血也

少陰病但厥無汗而強發之必動其血未知從何道出或少

朱板從目
出作從目
出者

爲上二字
多成本無
之

成本難已
作難治

從口鼻或從目出是名下厥上竭爲難治。

但厥無汗熱行於裏也而強發汗虛其經絡熱乘經虛
迫血妄行從虛而出或從口鼻或從目出諸厥者皆屬
於下但厥爲下厥血亡於上爲上厥下竭傷氣損血邪
甚正虛故爲難治。

王字泰云但厥無汗熱入裏而外寒甚也當溫之而強
發其汗則衛寒甚而汗不能出必內傷其榮血而妄行
也。

少陰病惡寒身踈而利手足逆冷者不治。

鍼經曰多熱者易已多寒者難已此內外寒極純陰無
陽故云不治。

成本知死
作便知

身飯註一
作吐利而
聲者死

少陰病吐利躁煩四逆者死。

吐利者寒甚於裏四逆者寒甚於表躁煩則陽氣欲絕是知死矣。

少陰病下利止而頭眩時時自冒者死。

下利止則水穀竭眩冒則陽氣脫故死。

少陰病四逆惡寒而身踈脉不至不煩而躁者死。

四逆惡寒而身踈則寒甚脉不至則真氣絕煩熱也躁亂也若憤躁之躁從煩至躁爲熱來有漸則猶可不煩而躁是氣欲脫而爭也譬猶燈將滅而暴明其能久乎少陰病六七日息高者死。

腎爲生氣之源呼吸之門少陰病六七日不愈而息高

者生氣斷絕也。

少陰病。脉微細沉。但欲卧。汗出不煩。自欲吐。至五六日。自利。復煩躁。不得卧寐者死。

陰氣方盛。至五六日。傳經盡。陽氣得復。則愈。反更自利。煩躁。不得卧寐。則正氣弱。陽不能復。病勝藏。故死。

少陰病。始得之。反發熱。脉沉者。麻黃附子細辛湯主之。

少陰病。當無熱惡寒。反發熱者。邪在表也。雖脉沉。以始得。則邪氣未深。亦當溫劑發汗以散之。

麻黃附子細辛湯方

第八十五

麻黃

二兩去節
味甘熱

細辛

二兩味
辛熱

附子

一枚炮去皮破
八片味辛熱